

Jadi sukarelawan, ‘menyelam sambil minum air’



ANTARA sukarelawan terlibat mengutip sampah di Pulau Nangka.

Liana Sahabudin

TELOK MAS – "Bukan mudah untuk sampai ke tempat cantik begini, sebab itu saya ikhlaskan diri untuk jadi sukarelawan bersihkan pulau-pulau di Melaka".

Itu perkongsian Siti Nur Anis Atasya Kamil, 31, teruja menjadi sukarelawan membersihkan pulau di Melaka menerusi Program Volun-tourism: Melaka Nature Epic Challenge (MNEC24) Sempena Tahun Melawat Melaka 2024 (TMM2024) di Taman Laut Melaka, di sini, baru-baru ini.

"Pertama kali datang ke Pulau Undan saya sangat teruja lihat keindahan alam semula jadi. Memang saya aktif dalam aktiviti sukarelawan tetapi untuk sampai ke pulau ini belum pernah.

"Jadi saya tawarkan diri dan ikhlas untuk membersihkan pulau-pulau ini kerana tahu ia memberikan impak yang baik kepada pen-



AMAR Fitri

gunjung serta pelancong.

"Selain membersihkan sekitar pulau saya juga dapat kenalan dan pengalaman baharu," katanya.

Dia menasihatkan generasi muda agar menghargai alam semula jadi dengan tidak membuang sampah yang boleh menjejaskan flora dan fauna.

Sementara itu Amar Fitri Azman, 33, berkata, program seumpama itu melatih anak muda untuk menjadi lebih bertanggungjawab dalam hal penjagaan alam sekitar.

Katanya, ketika kerja pembersihan dilakukan dia



SITI Nur Anis Atasya

dan rakan-rakan menemui banyak botol dan bekas makanan yang dibuang di merata tempat.

"Kami juga menemui jaring ikan yang dipasang di perairan ini yang sudah diwartakan. Tindakan pihak tidak bertanggungjawab ini boleh menjejaskan hidupan laut dan dalam tempoh jangka masa panjang merugikan kita semua.

"Pesanan saya kalau pergi berkhemah jangan tinggalkan sebarang sisa, kumpul semua sampah, bawa balik ke darat dan buang di tempat sepatutnya," katanya.